

東洲草堂詩鈔

東洲艸堂詩鈔卷十七

道州 何紹基 子貞

題江龍門書畫禪圖小照

丙辰

鄉舉同科廿二年談書說畫快如顛舊游輦下蕭條甚

海秋石州子滿

輩俱逝印林頌南子序

二老秦中傲傲偏除夕游山毛屨古

諸君俱歸時時談及也

余

夏皆著毛窩歲莫從終南山歸龍門書來云除夕游山古所未有

新春聽鼓錦袍鮮龍門典衣告罄借李

惺夫嫌袍拜年寒山拾得差相似一搥癡憨證墨禪

薦福寺看鴈塔題名

鴈塔凌虛瞰一城東文西武此題名登科誰考唐時記落日西

風弔古情

開唐時題名字世間尚有拓本

正月初九日曉發西安留別李惺夫劉璞齋

無端離緒動關河雪後山晴水有波昨夜酒濃春色淡灞橋不

忍再聞歌

登華頂

螺旋中空萬千轉人與雲行同寫篆到青柯坪眼界寬上千尺
躡脚力展百尺峽接二僊橋胡孫愁時游人驕見上天梯意思
超東西中峯皆我招乘風直上南峯頂何時跨過蒼龍頭仰天
池水高到天月光下照人孤影月輪之小下界無游氛埽盡寶
魄孤想見芸芸浮世事見月吾亦見真吾萬箇蓮華來揖讓峯
峯北拱獨南向西嶽真形此夜明雪月交光天地曠凌晨馳下
萬岫奔潼關鎗火方闐喧迴思昨夜釣天鰲落鴈峯頭過上元

潼關別蔡小石

秦晉分疆處雄關古意多看君資重鎮送我渡黃河大雪開嘉
宴狂瀾入浩歌東南向烽火後曾事如何

陟岱頂登封臺

高祖開基文景賢告成何待太初年諛詞枉嗜相如頌古義誰
陳敬仲篇無字碑存三代式登封壇滌九皇前惜哉玉檢金泥
字一祕名山永不傳

半城宿寄都中二首

峩眉秋爽佛光開舉頂春看大月來一膠

楓棧復東下登封重上古皇臺

東南規作萬山游問訊揚州又潤州風雨無端波浪急江湖何
處著閒鷗

興化小住鄭子雅廣文兄見示板橋先生詩墨卷是其
早年筆至爲難得漫題小詩

邨居豈乏野夫談牧安樵童任朴憨未免書生成結習懷人頗

唱望江南

詩人鄰曲易蒐羅，悽絕王郎醉後歌。止爲愛才寬著眼，能令姝色世間多。

詩文歌吹酒兼書，畫理何容一語無。想見邨居成獨悟，竹蘭策石自嬉娛。

寫作莊莊矩度循，中含野逸見天真。筆精似本官奴出，細玩驚鴻近洛神。

家在江南何處邨，青衫落拓昵琴尊。後來科第爲官長，海內名

傳橄欖軒

庚子辛丑先生
時尚爲諸生也

作吏閒稱老畫師，橫斜題記恣神奇。爭傳碧海鯨魚浪，誰識蘭苔翡翠姿。

清白風流未寂寥，至今遺墨重瓊瑤。我來閒叩浮漚館，煙水空

迷舊板橋

好事剛逢鄭廣文，展看詩卷酒香薰。索書令我慙揮翰，日送斜

陽待雨雲。

雅翁招飲索書余倦未落筆時方盼雨也

九日彭雪嶺招同孫紀堂湖亭游憩卽事用漁洋秋柳

韵時在濟南行館

收拾蜂情竝蝶魂，尋秋閒指匯波門。天心南國猶無信，人事西風盡有痕。此處江山欣脫劫，偶然籬落便成邨。孤懷淡入蒼茫際，欲喚寒鴉與細論。

老友三人鬢盡霜，閒將春臆話池塘。廿年科目存詞錄，萬態風

雲落畫箱。

三人皆丙申進士現俱無官守

何必鄉鄰同，邨鄭不嫌子弟似。裴王

雪嶺攜乃郎及孫余攜孫同往

益簪一笑逢重九，買權狂游問酒坊。

吾身恰稱芰荷衣，家住城中絕是非。湖面有風波尚縹，秋心無

緒柳先稀近人汀鷺渾疑睡帶我蘆花不肯飛游徧惠泉連鐵

寺登高佳節與時違

游人都往千佛山登高湖中無游者

黃花不解乞人憐萬葦黏天欲化煙舊事回頭猶婉孌斯湖於

我太纏綿酒盃掀舞無餘子塵鞅羈栖漫一年兩弟家書隔燕

越在鴻渺沙白雲邊

今年尙未見菊道光初年先公督學余兄弟皆隨侍今三十餘年矣

題畫蘭扇贈汪雲泉

枚

幽蘭澹靜似幽人不鬪園林百卉新直待滋涵風露足看它占

偏一山春

連夕與兒女孫限韻作詩

持螯賞菊

要把重陽賞禁持幾日寒螿須由我剝菊爛其人看宛轉春秋
穀遷流日月丸啖無三日素醉有兩頤丹佳色剛盈圃時鮮也

上盤品難淆紫白臍那問尖團欲待忘言契先開大嚼端爲酬
花冷澹不計酒甜酸天氣炎涼換余懷飲啄安荒疲斯世苦飢
渴我心攢縱有奇葩豔何從小戶寬爬沙如踵至快放萬杯乾

騎驢游山

茫茫天下事無處好尋秋驢借吾騎去游憑客其不壯懷猶老
馬薄宦此閒鷗世界蒼黃徧峯巒紫翠浮放狂千嶂到策蹇一
鞭抽汝縱輸騏驎吾真任馬牛嵐濃宜緩鞚濕驟屢迴頭冒雨
衣全溼看雲轡不收灞橋詩思苦劒閣畫情幽棧狹旋疑澗沙
橫誤認洲不妨頻藉艸從此怕登舟日暮隨芻牧吾衰臥小樓

筆牀限舒字

有筆常常以牀安五寸餘欲期全挽活先遣汝身舒斑管橫陳
候銀毫欲動初待看揮灑疾未許任閒居

東沙州堂詩金卷十一
四
墨壺

限陽字

壺中天地大墨者此閒藏縱欲翰舍久無如點滴忙傾腴當午
熱炙凍趁朝陽若化鴟夷去醇醪百倍香

紙鎮

限覽字

紙性原來靜何勞鎮始安卻因陳矩在轉得縱毫寬電掃千詩
疾風馳萬楮寒顛君持重好積歲與盤桓

硯匣

限籬字

石友惟真硯珍來置匣宜止緣勤護惜非謂固藩籬月沼晨漪
斂星芒夜燭奇辟塵還借汝豈謂善藏之

靜坐

煩來萬念上眉尖謝客今朝竟下簾孤榻自蹲如木石長空何
事轉烏蟾羣居每苦吾身縛一靜偏能眾悟添偶聽隔牆人語

鬧雞蟲得失自膠黏

閒眠

游魚伏沼鶴歸林得睡休教萬念侵高枕不嫌寒月共空庭或
許白雪尋醉饒一夜無窮福纏繞千山不住心當日北窗眠栗
屋無絃何苦更留琴

喫飯

瘦到詩人飯艱山本來精粲可從刪止緣疾痛關天下未忍飢
疲老故關法授茹芝休問葛帖畱乞米且臨顏側聞水旱連千
里奪食災民豈盡頑

穿衣

花葩錦繡盛東南忙徧機樓及染潭大布且安儒素舊黃衣猶
覺古風舍改爲易稱身長短薄澣何妨月兩三前日披棉看山

去歸來襟袖滿雲嵐

訪得李北海書靈巖寺碑殘石

湘西仙鶴刻聞被兵火闕石室與雲麾帖買粗可供全拓北雲
麾落吾海南寢靈巖一片石卅年覓無縫今秋名山游風雨行
控德方值蝗旱餘餓盡天人眾一二破衲僧衰仰維摩俸叩以
金石文渺莽墜雲霧導觀神寶石不與鄙懷中冬初再尋訪始
識魯班洞艸閒就治緣石罅競摩控幾曲方造淡忽破滕公豹
光出千載前寒銷萬冰凍拓出宛新礪字字堪洛誦略言定法
師得地蓋雲棟情僅半段存莫覩全形鷲削獲壬午年足補趙
阮空書勢果雄偉儀微非諛頌緇維開寶間斯文有紀統御書
翔如龍顏李蔚雙鳳魯國頗好道書挾佛力重江夏乃佞佛筆
勢仙機縱茲邦亦何幸名刻非一種畫像與靈巖百里相伯仲

更有房公碑隸勢率更用皆從北派出不受山陰控書爲六執
一貴本心畫貢乃因姿媚少難致吉祥玃遂使三偉公皆銜萬
年痛天意太蒼茫時事尤紛縈積習吾亦淡聊資發悲嘖

臘月初六日初雪東崇雨舫中丞

敝廬新卜城南隈庭下槎牙森老梅蓓蕾雖多瘦未足暖候侶
妍寒枝開正求一凍不可得雪花渺莽橫天來何暇爲余老梅
喜念彼徬寥方舍胎城上初陽乍流景階前積素難成堆側聞
大府屢祈禱誠爲民事心煩摧軍興南北紛未已旱蝗千里嗷
鴻哀飢寒歲暮怕風雪不雪更恐明年灾好送流民返鄉井勤
除艸竊搜根荜祥靈從此可大沛要看天地成瓊瑰今日之澤
特先犒我對老梅遲舉杯知公望歲甚似我珠泉日繞幾千回

中丞見和拙詩復疊韻奉報三首

西游舉頂南江隈浮蹤差類吳帝梅偶作山行艸屨出時逢野
麥清尊開邈來一病極嬾步閉門亦少登音來且其兒孫較酒
戶時煩老守分竹胎次香履惟有盼雪同閔雨千思萬緒紛成
堆月清到戶不忍賞愁高過山安可摧飛蝗南來慮遺種黃河
北徙流餘哀自非大沛三尺澤奚由拯此千里災

三壇誠祈軫

宸念傳聞織輔麥未莖公擁雙旌撫東土海岱咨此如奇瑰昨
晨飄灑雖勝無似救興薪持水杯敬誦來章甚悱惻詩理要將
天意回

道人論詩窮奧限軀生竊附歐與梅若非真性各流演古人生
面何由開三秋吟事頗豪宕靈岫明湖題記來節入中楡不見
雪筆毫渴盡詩無胎詩窮尙比人窮好况乃比屋飢成堆夜淡

枯坐冷自歎人靜燭花高已摧頰亦胸有天下事如何眼看流
民哀試看古來求莫士少陳符瑞多言灾百氏蒼涼道枝葉萬
年憂憫詩根荄知公與我有同意豈徒秀語矜瓊瑰新詩飛到
破愁寂傾盡苦酒停空杯同雲欲起雪將至折竹壓松遲應回
芒屨偶躡湖涯隈城中尋徧不見梅不知此日江南北梅花爭
向何人開鄂州喜聽兩城復朝報快覩連宵來三吳奏凱諒非
遠功自有始福有胎吾廬偏側視八陋積紙未寫煙塵堆癡兒
忽挈婦孫至小極未覺容顏摧藏書萬卷來十一閒何闕使余
心哀可憐蟬蝨漸侵蝕更爲棗梨增禍灾余別藏書今入年矣談碑暫欲
接香翠郭香校書何暇研箕莖連日與兒子慶油看東京碑所
冀長風掃烽燧便普大地鋪瓊瑰殘年飽噉無事飯得閒勤倒
齋書杯濟時待紀公等績濡筆何辭日幾回

余菱香過余談執旋餽浙來冬筍此物北方所罕君乃
屢令飽啖謹疊初雪詩韵奉謝自入冬來始無日不飲
故有末句時嘉平十日方盼大雪而姓煥轉甚如何如

何

與君比屋湘江隈垂老論交松蘿梅直腸易與幸莫逆笑口相

逢時一開明湖十里煙水淨開闢自江南來習聞鸞樹積嘉

譽宜有鶴子殊凡胎聞文即聰慧向學惟憐首劇十郡長疲神難撥簿

書堆治絲尚倚精力健看鏡得無鬢鬢摧夜街巡詰耐凜冽庭

訟自理孓矜哀兩事皆余目觀為首郡者所難既揚仁風靜民氣定感快雪扶

天灾餘事何嘗廢文史謙謂荒田畱凍夢媿余半世抱鉛槧揆

懷無處尋明珉投閒曠有老饕福會稽竹萌來侑杯日飲君醇

容我醉一月止能三十回

菱香送牡丹

山東平靜年好過依然日向愁城坐天上雪花慳不飛庭前梅

萼何由破

庭前嫩梅
避避未開

爲民祈澤勞羣公日日步禱趨靈宮我雖

閒散不任職荒院叩頭哀昊穹秋蝗成灾況冬旱米價騰躍麥

芎短惟有堂花異樣鮮正因地氣非常煥可憐汝花開愈多明

歲麥禾將奈何更憐汝花開愈速節入三寒氣不肅濟南太守

亦何賢見余作客臨殘年特餉奇葩慰岑寂謂宜薄醉消煩煎

近來鱗漫多心事萬種悲歡等兒戲乘興仍燃絳燭游無端又

下蒼生淚香風冉冉迴闌干野客過門詢牡丹且當閉置淡屋

裏大雪來時對酒看

廿一日得雪東雨船中丞

連宵噤喑不成臥止因望雪長癡坐濃雲忽看千里同樽酒先

爲天下賀北方自古宜麥菽大異荆楊飽杭稷人功頗消天事
多冬澤春膏要交和三齊幸免軍書煩水旱相仍元氣挫要籌
兵食濟江皖況與京師爲輔佐卹災固圍須羣才最歎雋勞人
一个幾日步禱請神祠不惜袍笏沾塵堞果然積誠感天意升
香上達祥雲播先爲農田潤枯槁漸與行人平坎坳飛絮漫空
初可捉瑤葩到地何忍唾屋底達官誰不喜街頭凍餒尤無奈
念汝翻添此夜寒何由更濟今年餓天公誰敢較贏絀人事還
須分細大我如鷗鷺無倚著一聽波濤自掀簸采風昔是使君
身曾與斯民任功過喜極徑想雪中眠一臆何舜衫屐宛梅花
爛漫大開放要與化工爭婀娜化工豈是汝花知無限恩膏
後課靜思天意未茫茫且喜六花例先被

難得雪
木透也

東洲艸堂詩鈔卷十八

道州 何紹基 子貞

雨船中丞病起適得快雨走筆奉柬

丁巳

民隱待勤卹時艱值紛糾東山秉節人允矣經時手剛柔自調
劑聲色靜無有果然操縱能豈爲愍歷久媿余鷗鷺閒謝彼牛
馬走頗亦采風謠喁于碑在口矧辱文字契相期性情厚旅居
常閉戶論心難索偶自公末疾劇增我客懷垢茫茫欲廢寢聞
足疾劇余夜惘惘易中酒喜聞旬日來勿藥占咸拇米書何時
每不成寐容請謁積思快傾剖

明湖前日游慘澹寒生肌憂時復閔雨淚落波無漪雨聲昨夜
來側耳使人疑廉纖遂徹宵尺度三寸奇晨掘乾土量之我兒
南山歸衣履尤淋漓慶通今日由嶽夏歸雲從泰山起澤卜天

下施但得歲豐稔大救民化離元氣可逆復小醜何能爲滑澆
街路泥濘豔庭花枝出門復入門沾溼罔不宜一醉又相憶公
其喜可知願言鞭弭從觀稼向東菑

題王子梅顧祠聽雨圖

我昔初構顧君祠思將樸學萃儔侶士人能讀亭林書皆得春
秋拜堂廡儀徵老筆作祠記石州博訪葺年譜羣賢高會無虛
歲三祀虔將成盛舉徐星伯張石繼逝蘇廣陳頌歸小子子焉
壇坫主後來呂鶴葉淵馮魯何順邊茂不墜風流肅樽俎自余
銜恤歸湘山旋忝乘輅莅巴士十年行路困役車四海軍興騰
戰鼓傳聞古寺就頽落想到雙松成愴楚比來欣展王郎札飾
荒得自孔君山語固然修墜事足欣未免回思意增慙人事無
常有興廢盛業不朽貫今古讀書所貴才識兼不在詞章紉璣

組魏余老恃炳燭光且復閒隨鷗鷺伍烽煙擾擾隔吳越儒術
斷斷歎齊魯

孤枝在望易春淡屠井亭前重聽雨

時余將
入都

語鈴道人遠寄論書二篇仍疊前韻奉荅

自入春明門人事苦纏糾詩魂落郊外書卷靳吾手回思歷下
佳樂事罔不有別來未三旬乍似隔年久猥蒙鯉魚致使逐驛
騎走論書亦何摯心好不啻日夙窺六藝一理蘊百端厚發源
自身心配象應奇偶化元茲有寄小道誰相垢餘力到忘紙狂
鋒愁倚酒心心能使筆將將不在拇拙語由自悟願君互印剖
詩人敦厚性浸入春盾肌泉眼養珍珠撫署有
珍珠泉窗紗添繡漪君
有
書舍靜得五言妙精窮千載疑我舍誰華去半月益有奇苦憶
歲前後唱和紛淋漓竊附大小謝不計東西施脫然成暫別亦

恐悵將離

來書以不用而去為悵

見怨鰓鶴姿未可羈笈為昨瞻諫州堂

松笈

今撫雙松枝

顧

豈無樽中酒右有左不宜亦多傾蓋交迹

合非心知難為外人道彼新而此舊

為程小松

祥棟

畫蘭

百蘭山館畱題處萬葉春來入膺賒聞道君行向巴蜀臨風聊寫幾枝花

丁巳杪春朱伯韓葉潤臣王少鶴孔繡山鵬我於顧祠賓主共十人余戲畫蘭止能作葉繡山補花同人誇之漫題四句客有符南樵林穎叔劉炯甫宗滌穆朱眉君同日張詩舫宴客於三官廟

望斷一春兩風沙荒蒨蕪素心猶耐久花葉不須多

李竹朋見示黃小松嵩嶽訪碑廿四圖適於梁矩亭處

見嵩嶽訪碑日記互有異同訪碑月日日記詳之得碑
始末則圖記縷悉聞岱嶽廿四圖在姜玉谿處昨在濟
南竟未得寓目拉雜成詩索竹朋和

嘉慶紀元季秋朔黃子始縱嵩洛轡孟冬十日返任城小蓬萊

閣騰墨戲河聲嶽色太行影名僧古涵勝友王香陸武虛谷生徒侍東里書院

生明窗澹墨鬢眉靈境霽然圖廿四四百餘碑多矣哉四十

餘日千載事既窮巖壑搜奧曠廣尋塔廟抉幽懿偶然風雨有

追逐畢竟山靈難吝祕計從褚武畢阮翁石華絢爛乾嘉際秋

庵薄宦足力健嵩岱之游最翔恣閒情兼爲畫山行古抱原因

訪碑至我生游迹未至嵩心獨往焉中道躋丁亥同區弟子毅

道嶺中州翠壑獲頗多解書信行碑尤異在汴梁得宋拓碑少

止孤陳畱走訪嘉祐經掀出泥塗照費肆陳畱學嘉祐石經二

本也石反什地余屬教官

扶構蘇門蘇迹湧金亭福以遺山詩刻麗蘇門山有波書湧金亭三大字余所得乃

厚翁珍秘物遺山詩刻亦古拓虎關龍門惜未到況欲窺接中

嶽翠先生粉本昔曾見留於楊石披圖更補吾游墜雲山幽興

尤起于盧鴻州堂香山寺秋庵固是不羈人書律專摹兩京隸

畫理還能越文沈詩情亦復追朱厲嵩岱兩游皆有圖嵩游圖

外還存記嵩游有日記借游亦必精神媵壹道妙輮筆墨超遙

化工寄惹哉嵩頂竟未陟倘有貞珉遁荒躋記中未得古人作

事與後殊特繫奇文錮幽園究竟欲傳欲不傳蒼茫不解當時

意我來春明才幾日友朋雜選取文字單書得失頗頻聞酒杯

冷暖誰相計竹朋藏冊經幾年耆古同心快披視海王村後孫

公團更約來朝共譚菽

丁巳三月余由濟南暫至都門游松筠庵心身它往意

廬山迎余詔曰子蛻去九年何得復活笑應曰先生自
誤聽耳當時病化者同師之弟也因出余壬子歲題所
摹杜鵑花軸求爲更正余驚喜之餘轉增感歎念十年
前同人游集之盛不可再得誤傳意廬化去者乃張石
州也石州作古人久矣漫題三絕句於後

驚遇優曇再現身兩邊何處是禪真
笑余一掬憐才淚容易當場外錯人

浪費陰癘日幾螺僧雖早解貌維摩
閒來侍硯揮毫疾往事回頭十載多

諫艸堂中萃眾賢狂吟泥飲百流連
今朝一覺江湖渺無限傷心滿杜鵑

附錄意廬摹杜鵑花軸記

萬殿脚撫黃筌杜鵑圖爲花五百四十六爲葉一千六

百五十七一蜂一蝶根畔綠州悉如其昔竹軒張太守
疏黃荃畫恐其久而失傳也屬殿卿仿爲之謂其精采
始不減古人旨無乃過譽然余得殿卿述而未見黃本
無從肥爲抑揚也萬本後有軍器題記乃曾於太守所
見黃本者謂其上布宣和殿寶下有稽察司印半印亦
足見當日珍度之重矣心泉上人見余藏幅因令其弟
子意庵復撫此本時意庵方學畫於吳冠英而專心在
佛像乃以餘力作此意庵少慧不久卽化去心泉冠英
及吾黨常看畫於松筠庵者無不痛惜之卽以此
幅爲後景一現小景可也後四年壬子九日記

四月初二夜過張詩船索酒頗醉明晨獨至陶然亭作
此奉柬

語船之語妙如詩詩船之詩妙如語一春游迹滿燕齊難得兩
翁壇坵主詩翁久膺璽寄重忽扇仁風到膠序

春隆仍俾司銓衡任劇還兼領畿輔咄哉冬晴春又早坐見蝗
蟲生翅股紺較黛藉藉田肅清叨洽風農望苦語翁昨日寄書
至字潤詩香真喜雨詩翁日有閔雨篇那復風流寓樽俎淡宵

徒步偶叩門，稚笋清醪差可咀。感時未免雜悲嘯，論士依然多

獎許。酒人落落幾晨星，揮淚東風何處所。詩船出示近詩有揮淚東風幾酒人句有

所感惜也眼前人事盡枯槁，但盼天公降膏乳。先生愛才尤可憐，我

亦看花癡欲顛酒。醒日出野露靜獨上江亭，思悄然。

朱伯韓孔繡山王少鶴葉潤臣招集顧祠即題潤臣城

南買醉圖後昨在歷下為王子梅題顧祠聽雨圖故有

末句

清明已過春將老，試問前村有酒無。身退頗饒閒境界，時艱少

得醉工夫。城南漸覺花心動，隴畔猶遲麥氣蘇。難得一樽容跌

宕顧祠聽雨又成圖

梁子恭同年處小酌即事

盤坡學士艸麻回一片，銀蟾落鏡臺。留得園林春十萬，夜淡胡

蝶尙飛來

竹朋齋中看畫見石濤歸雲兩冊奇賞不已既而出示
賢夫人張晚芳女史畫蘭屬題竹朋方銳意習書故有
末聯但看畫客來莫閉門卻掃耳

半日看畫客不去石邪雲邪都醉心主人有意要醒客出閨中
墨靜悄悄娟葉展餘回翠袖瘦花開處側瑤簪閉門笑聽高軒
過畫妙書奇相瑟琴

四月初七日夜雨達旦初八日盤山之游改俟初九漫
艸一詩柬張詩齡兼尹及黃壽臣署尹

天公意不由人窺亦復仿佛可測知狂風連旬作意吹體中煩
熱成鬱伊竊度雨候庶在茲且休飲酒緩寫詩今日風定雲倒
垂雨腳乍散冰蠶絲甚恐一絕難續追然燈照夜明陸離照彼

久臥癡龍癡詩人盼雨父母慈痛淚暗漬酸肝脾夜淡人靜更
漏疲有聲到枕半信疑疑風疑雨難執持漸看銀竹如縷縻喧
寂緩急任所施乍醒乍寐靜聽之點點沁入心骨肌穀麥與我
同天倪萌失厥養壯亦羸況虞大折元胎虧得此潤澤象數滋
平疇億萬新嬰兒一齊仰乳失厥悲京兆百郡之綱維堂堂做
霸同職司量分度寸較銖錙馳疏夜告

丹楓墀

天顏有喜勤諷咨淀廬三十里有奇五更車馬且遲遲行潦未
可太驟馳昆明湖水生瀾漪玉泉山色展秀眉儻有畫圖幸見
貽我方出郭雨後嬉高槐稚柳青差差活到小艸閒花枝家酌
不及野飲宜對景何惜傾千卮詩兄壽弟同襟期待我盤谷歸
來時

四月十日走訪李寄雲前輩將爲盤山之游出所畫太華黃河形勢兩卷子命題漫成一首

寄翁家寄盤山阿馳思太華同黃河手作圖畫供摩挲筆要自
洗墨自磨落墨一寸千嗟峨橫筆一尺萬盤渦逢人展示同睇
睇謂此歷歷無差訛我昔兩度秦關過往來濯足黃河波華游
更詡非蹉跎落雁峯頭覲嫦娥廢痕一墮驚剌那但恐回想成
癡病嗟余家住瀟嶷窩連年烽煙荒軸適欲歸無處尋庭柯計
惟策蹇詩驪馱一杖一笠行且歌狂游汗漫誰能訶昨來訪子
捫荆蘿出畫見謂畱吟哦有句不出眼亂搓汝我所見真殊科
謂此形迹意謂何山河莽莽相委佗一水一石真么麼豈能屏
障全收羅堆塞磊落損虛和烏乎此疾何由瘥別離九載日月
梭相看_{不覺鬚鬢}暗呼杯那惜醉面酡眼前娛我固自多婉婉

田盤千髻螺

題孔繡山韓齋雅集圖

春明雅集豈爲少得似韓齋殊渺然
文筆鯨鏗薄宋後鼎彝麤
壽滌秦前新交磊落增三徑舊雨凋蕭乍
十年我亦浮家無住
著它時相訪五湖天

題胡扶山同年秋紅山館圖

四時所愛惟秋天山水空明星月妍
秋天最愛是紅葉醉徧千
林絢吟睫我聞此言翻笑倒冷澹中
還尋熱媯暝嶽家世錦上
花落拓一宮霜後艸習書突盡中山
毫家雞野鷺憐兒曹隔牆
看花春易老索詩聽我秋蟲號

詩船畫慈仁寺雙松懸寺壁
被人竊去補圖索詩卽次
原韻時方游盤山歸也

縱筆圖松亦等閒，戒公勤護頗相關。偶因佛界風幡動，又破詩翁硯水慳。春後臥龍真欲化，夜來幽鶴也同還。醉餘快展蒼蒼景，記得田盤頂上山。

題符南樵半畝園訂詩圖

詩人詩自性情出，有時自有無自無。溫柔敦厚乃宗旨，矯揉塗澤皆非夫。世上讀書千萬人，若論善本皆聖徒。乃其發見不一，致有實秋結華春，敷小子學詩四十年，交徧勝流賢與愚。但解捫心量損益，未敢出口輕瑕瑜。搗來舊雨苦寥落，論詩快遇南樵符。尋春古寺花四繞，命酒野亭雲亂呼。容我大談詞太縱，歸來默想生慚吁。城東北隅半畝園，有奇石兼松竹梧。主人好事款嘉客，主人崇模山侍郎賞奇析疑傳畫圖。按爬不嫌驥尾附，采錄已過牛腰粗。百卷何時印，本出千萬心。光知不殊隔城相見，豈容

易細雨閉關吾訂吾

得崇雨船中丞書以詩爲答疊夜過詩船索酒韻

語船語妙如其詩詩船詩妙如其語媿余飽聽復飽讀肺腑清
酣迷厥主平生野意狎猿鹿衫履粗疏忘次序春風吹人無住
著一笑三齋又三輔翩然復叩田盤谷荒涼得句欲書股默游
頗契松石理歸來轉益風塵苦語翁手書昨又至灌頂醍醐化
甘雨來書中言浴佛後得透雨詩翁還食適見招雨後看花略樽俎暫時奇
想霞外寄萬種愁煩瘳中咀吳頭楚尾事難說悔禍何時天意
許湘波近與桂海接閒雲失岫歸無所眼前麥收差可卜暫喜
飢兒得香乳公餘尙把古人憐我亦詩思飛嵩顛墨緣心印其
千里金石精神非偶然來書謂新得黃小松嵩嶽訪碑日記古
錄錄茲桂未谷撰書隨錄余適爲李竹

朋題小松嵩嶽訪碑廿四圖惜不得一
見日記稿本然墨緣相印亦可謂奇矣

小詩代書答余菱香八首

五年不見誰華春水影山光盡故人容易北游成小別料應花鳥各精神

明湖便是習家池痛飲高歌百事宜容我清狂賢太守荷花看到牡丹時

鞭絲艸艸隔題襟爲我沈吟遂至今想見訟庭花落候新詩敲對佛雲淡

見說噉鴻近尙多村老無吠卽民和岱雲泄徧連番雨麥隴從聽五絳歌

通才首劇事宜煩懷抱誰從韻外論除卻道人言語妙雨船中丞又號語船道人故應尋想到山蟻

惠問勤勤月幾回浮蹤浪迹使人猜閒雲到處無歸著樂得隨

風任去來

一枝鼠尾當漁竿
點盡谿藤墨未乾
見罷詩人尋酒伴
朝朝爛醉是平安

城南小屋稱僑居
差喜癡孫肯讀書
難得故人風味別
時時餽

問到寒廬

鍾孫來書知君時有餽問

梁子恭齋中爲祁叔和畫蘭卽事題句

千鈞腕力助花開
石未成形且補苔
兩字妙能含五義
止應雪蕩與冰梅

五月十九日上方山小西天有懷子恭

緩翁一杖撥雲煙
醒看峯巒醉枕泉

雲居寺臥屋倚泉

竝馬穿花人不

至尋碑獨上小西天

次韻奉荅陶臯鄉丈兼柬張詩舫少宰

年來拚作看山行無復求官要步兵父執尙容陪杖履高門嬾
去候公卿儒林壇坵千秋寄前日顧祠之會甚盛世事煙雲萬態更赤日
炎炎詩壘起知公早築受降城

艸笠芒屨竹杖行渾忘語穽與心兵幸叨禮教承宗伯况復台
華接豕脚輦下風流隨二老花前雨酌易三更未能竝權江湖
去贏得新篇滿鳳城

詩舫於慈仁寺古雙松下見和拙詩且申野飲之約疊
韻奉柬

閒向古雙松下行靜中詩壘伏奇兵清風嘯起蒼髯突驟雨狂
催子墨卿癡落江湖天自遠閩峴桐蕩候潛更比來觸熱看山
倦野飲何時共出城

荷花尙無消息而老舫屢申野外之約疊韻答之來柬

有甚矣其德之語

趨

朝日日戴星行德矣江東老步兵萬里白鷗誰似我一池春水
卻干卿荷花如月隔千里竹院有風宜五更余每日必早起近日酒懷
殊冷澹賴君新句破愁城

春浦相國前輩招飲觀齋出示詩集卽題集後敬次賜

題峩眉瓦屋詩艸元韻

冠歲欣瞻太乙仙

公初直南齋余遇於吳蘭雪丈寓中

扶搖遇合浩無前驪接江

海三千士鶴翥雲霄四十年報

國勤勞存政紀憂時慘澹在詩編祇今巾佩從瀟灑許結觀齋

翰墨緣

家法傳經似兩京根源孝友鑄詩成滌除驕濫元音奏埽濕煙

氛大月明

鏡執亭詩集色正
寒一洗浮囂近習

庇士高情槐蔭滿論文佳思酒

杯清殷勤付託身齋集淚灑西州百感生

約共訂石
州遺集

丁巳閏端午日陶晁鄉丈招集寓齋卽事有作

今年節物成驟進炎候逼人少風韻狂游忽徧東西山樹色嵐
光枯不潤歸來十日尙疲茶佳辰幸值端陽閏兒童爭笑老翁
癡時節雖饒人事吝艾龍繭虎不復見黃蜂紫蝶空成陣晁鄉
丈人壽者相特啟華筵召才儁人生會合須及時天意遲留原
有信冷吟閒醉高齋涼庭花再開酒重醞廿五科前舊詞伯九
十年華新雪鬢尙能健步日千回何恃養生提四印我亦景光
勤愛惜苦被神魂相奮迅搶攘鳩鷲羨大鵬東縛駑駘追八駿
從今緝細願畱餘莫擲隙光同一瞬寄語荷花緩緩開休管詩

翁頻問訊

荷花未開而老輪屢有看
荷之約余意不妨遲待也

詩船少宰和詩有笑無姬侍伴殘更之語昨日酒闌復以相戲且欲贈婢疊韻奉謝

山人於我爲先進竹柏清森有同韻書律肩隨坡谷行畫情獨擅荆關潤計從諧際託忘年卅載三逢端午閨詩名官秩竝崇陟天於公也誠無吝河聲嶽色照經緯劍氣珠光隨筆陣還朝仍長六官司選吏全甄天下儁晨招羣彥勤爰度暮發百函塞來信顧於下走最拳至怕園屢許傾家醞憐才特鑿鑿餘桐論事相忘霜後鬢問道難傳手不輒談詩果有心相印連朝苦熱火繼張夜來急雨雷車迅枉辱關心到巾拂精婢相詒如贈駿偶然古井未生波敢謂天花真不瞬吳山眉黛近如何儻有南鴻達芳訊

詩船和詩再至以溧水收復喜見楮墨鄙人南游之計

始非遠矣疊韻再答

江南頓兵久不進刀斗連年動哀韻可憐殺氣纏金焦誰復看
山滌常潤一鼓傳收溧水城捷書似賀端陽閨兼優謀勇荷

宸衷懋賞紛綸

恩不吝從此應成破竹功連營定毀常山陣三帥原稱不世材

張傳

總干近得吾宗雋

根

指日全空虎豹羣故人早寄尊鱸信

東南清妙吾舊游徑買漁舟載佳醞拚拋浪迹不支筇趁此殘
年未凋鬢祇今銷夏長安居馬蹏嬾向天街印雨餘樂事我偏
多句酌未覺時光迅清晨聽鳥當聞歌古寺尋花如選駿樓頭
買醉人不問樹底乘涼眠一瞬憐公日日早朝忙尙枉新詩勤

問訊

詩齡少宰奏雨歸和詩復至有天閑終許收神駿之句

甚媿甚媿哺閒畱飲疊韻奉謝

彤墀奏雨章疏進歸路輿中自敵韻詩成揮上浣花箋字裏香
含宮露潤驟暑先登麥隴秋薄寒畱得谿花閒憂勤長戴星月
馳儒雅何曾珠玉吝笑余百事付嬾惰曠欲披堅向詞陣自歎
脫略到衣冠那復雍容廁朝儁文字殊難結習忘朋舊猶存久
要信朝叩南鄰看修竹暮過東鄰索良醞頗憐梔子解同心又
苦荷花難插鬢梔子荷花皆
拾園中物月前長孫寄書至釋孫周晬持杯
印杯宜酌酒祖風佳印主得官科目迅老味宜扶杖國鳩棄才
敢附天閑駿公乎努力施經綸走也安心存息瞬江南露布朝
夕來凱唱猶能歌執訊

詩船來東云韻入詩老之手非非入想又妥又奇又辱
和詩有時平世教先富庶元氣斡旋真轉瞬之句因推

廣來意復成一首

詩人使才隨選進點落筆尖無險韻有如陽春沛德澤使白骨
蘇枯木潤又如鳴鳳下丹霄能叶洽綸調朔閏溫柔敦厚本詩
教善鑄人心化驕吝雅頌既寢春秋作漸易敦樂成戰陣歲秦
而後二千年代有作家更稱雋性靈能得幾人存諷詠難期天
下信士風陵厲多鋒鋦民氣愴張失醞醞卽今楚粵及兩江突
起長毛悲短鬢懦員逃難麾堅城節士捐軀抱官印淪肌浹髓
事則無濟師籌餉機難迅調和果得古大儒翦除容易來惟發
聖言學道在弦歌富庶斡旋真轉瞬烏乎此語豈真迂聊

詩相叩訊

烏鄉丈人賜和閏端午詩疊韻奉謝

玉堂濟濟多新進典型貴接前賢韻先公登第自寒素月巖瀛

谿發輝潤丈人通籍歲在辰佳節怡逢臯月閏乙戌聯科臭味
合贈縞題襟都不吝小子咿唔在書塾舊聞搗染生詞陣京洛
浮湛五十年蓬瀛接徧

三朝儁庭摧風樹泣臯魚家承賜書悲庾信丈人見愛如童樨
良辰寵醮昌蒲醞喜公耄齒健紅顏覺我華年垂綵鬢試看諸
公袞袞才日增少俊纍纍印兩人吟歎殊倏然牀頭曉聽車聲
迅狎鷗海窈能忘機愛馬支公惟賞駿後生莫畏老翁嗔公似
嬰兒無嗔瞬摳衣曳杖又相從水檻觀荷遲來訊來詩有詩成
爲語京兆張

後游先向荷
花訊之句

疊韻荅孔繡山舍人見和之作

孔庭容我褰衣進金絲悅遇壁中韻癸未年事回頭三十五年來誼
雅聯翩接芳潤上公伯久闊朱李游廉訪暫厄黃楊閏誠甫時
引疾

韓齋主人欣會合道氣令吾祛鄙吝
媿雅詩成對嶽樓縈迴筆
走旋風陣諫艸堂前宴耆者古雙松
下招才僞怪君於我太慙
慙有客不嫌來信信偷閒止酒陶元亮
愛客偏能倒香醞卻看
諸老盡華顛惟有舍人猶綠鬢我自峨眉
大華來屐痕誓把千
山印已拚散吏儘清狂偶露壯懷空奮迅
杜陵索句要驚人坡
老論書惟守駿羨君願力恢有餘千里霜
蹠看一瞬何苦貪求
醉帖忙隔城日日披蘭訊君索批
言最多

次韻荅王少鶴農部

頽散形骸不可扶文章結習未全無
詞壇摩壘逢飛將宦海迴
驅甘懦夫論事偶然森劔戟醫時誰與
覓護蘇淀園雨後清何
似待展新篇當畫圖

疊韻荅門人朱詹君

東洲居士百不進贍有閒懷偶拈韻耿然孤抱渺難收
人乞餘潤自從失職不載筆不畏春秋譏失閨西登華頂東陟
岱脚力自饒焉有客邇來復躡近巖山攀雲關入猿鳥陣迴首
昔年秉蜀節按部看山兼采雋蜀山岷嶽蜀水駛勇氣騰陵赴
忠信人材具此亭毒理慧利捷疾不釀醞朱生獨存淹雅性春
雨春風在青鬢博涉已揆羣才囿沈思自握靈臺印薄游輦下
轉澹泊靜閱時豪莽奔迅致柔此日六月鵬任重它年千里駿
丈夫有志期百世下士求名榮一瞬長天畏景宜少出聖言經
心勤致訊

詩船招飲誠園

名園一別幾經年盛暑招邀豈偶然嘉樹成陰涼到馬小亭臨
水活如船觀荷花已開三五買酒人誰吝十千野飲果殊城市

樂莫將真趣漫流傳

疊韻荅詩舫

一閨添來幾小年回思野飲甚陶然快從楊柳閒呼酒恨未荷
花裏放船月展鏡光延夏五風搖帘影學秋千今朝卻補前游
解試聽高樓笛韻傳

疊韻再荅

烽火江南乍五年近來消息尙茫然昨游水檻三閒屋寢到山
塘兩槩船峯翠曉開屏面九花枝夜照酒籌千詩筒隔巷頻磨
復便繼松陵唱和傳

澄懷園看荷花飲沈朗亭少農久自芬室八疊閨五日
韻賦贈竝柬匡鶴泉殷譜經潘伯寅許仁山彭子嘉孫
琴西諸君子

澄懷園許敝車進前輩風流滿餘韻鵝鴻爭狂玉霄翔州樹全
涵瓊露潤池南池北荷花海今歲遲留爲逢閨翩然忽見野鷗
來萬藥齊開破天吝嬌雲擎水紅映空翠葉無風響成陣命酒
軒開久自芬賞花客至才俱倘詞垣妙選萃兩齋敷歷不次
天倚信攷古誼今備獻納品畫敲詩增釀醞沈君投分三十年
離合光陰看雙鬢瘦骨真憐飯穎山時艱太息司農印我趁閒
身得蕭散回首升沈何疾迅兩人語舊如老僧諸賢盍簪竝雄
駿任天下事誰仔肩憶少年場真轉瞬西窗薄醉枕花眠寢醒
涼生訝秋訊

壽臣在可園遇詩船少宰誦吾六疊閨端午詩書來夸
羨甚至因九疊前韻奉柬

詩翁戰詩鼓愈進尚如媛公頻疊韻可園雨後荷亂開花光詩

氣同一潤今年荷候稍覺晚雪儉雨遲兼值閏達官賞花不作

詩未免才美生驕吝江夏尙書謙自下自哂殘兵難上陣平生

不得詞賦力嬾復追尋臺館倚壽臣以庶常改兵部時以爲憾竭來亟見何與

張吟筒往復無空信忽如背蚌想仙爬又類渴羌逢美醞可憐

還食能幾時何暇偷閒理吟督長安浩穰足官府罕見一人典

三印君時以開學兼攝少寇及京尹排日衙齋判牘煩連宵淀直馳車迅我謂

事宜綱要孖少齋精神如養駿君言輦轂異行省敢怠分陰拋

一瞬矧求有得名其齋盛暑程書閱秋訊矧求有得君齋名也時方看秋審冊每

本四

詩船先生見餉白菜二味云以銷煩暑率占奉謝

銷暑惟宜對酒樽冰壺風味許同論可憐熱客紛馳驟止欠工

夫酸菜根

送崇雨舫中丞述職東旋

絳節翩然至自東一時儒雅伏羣公祥開岱色仙雲護喜動
天顏湛露融綏輯鴻噉真溥利翦除鴟義不言功側聞

帝獎無欺飾報

國由來止樸忠

過

闕還家戶不關形骸尤恕我疏頑愛才輦下詞人聚諧舊梅前
禮數刪野寺談詩殊兀傲高齋評帖轉蕭閒天平篇什歸逾富
看徧燕齊雨後山

閏五月壬子梅來都以廿八日宴客於顧祠余曰是亭
林先生閏生日也輒成小詩書子梅顧祠聽雨圖卷後
是日壽陽相國詩舫少宰皆有和作

雙松隨時皆可憩有祠隨人皆可祭祭不欲數數則煩瞻企何妨日日侍古人於親於君師上壽不必生日期閏生日更非古禮偶然高會適逢之從今舉殤月一集不問是閏是生日先生有靈應大笑何不勤翻我書帙

春仲在濟南題王子梅顧祠聽雨圖有唐井亭前重聽雨之句時余將入都也昨子梅宴客祠中余以體中不適先歸而同人大聽其雨次日見詩船題句戲次其韻空庭驟雨吾高臥輸與諸君寺裏聽卻看舊題翻失笑開成古井竟通靈

贈宗滌樓行卽書其浩然爲御圖後

靜如月下鶴健若霜後鷹抱此浩然氣萬象皆憑陵與君通家舊根巨先澤承諧際三十年言動互規繩相看漸霜鬢百事如

風燈惟有歲寒性松柏同凌兢憶君壯盛時論議多鋒棱近詣
轉澹泊氣下德斯增諫紙幾百幅直道逾竊騰

帝鑒望實符試以敷歷能俾習芟苗役敢忘毳褐乘遲回攬明

鏡澹蕩稽行茀吾里總為交多亦君所朋楊魏相繼化紫卿嚴

變嗟龔丞仙長安浩人海翕訛多蚊蠅吾黨諸冷交各抱太古

冰有時同晤言尚可卻鬱蒸君今出國門離索懷豈勝我游方

汗漫千山落孤藤南行或相遇語舊得頻仍

詩翁約夜酌先以詩謝

詩翁與猿交臭味無疵瑕高懷契韻外難共効觀誇自從前月

來人事苦紛拏復兼老成謝歎逝同嗟呀烏鄉大翁愛時相見

惋惋如天涯愁霖幸少住開編牆角花翁乃折柬至呼窻看夕

霞隻雞與斗酒風味真田家對酌惟兩人亦免眾賓譁此中有

真意古澹不可加

詩船少宰作慈仁寺古雙松圖壽陽相國謂寺有柏槐
更古於松也作詩以張之次韻奉和

連宵快雨滿農望炎意不遑逢庚三顧祠高會我先返雨餘天
色成奇藍張祁二變松下坐觀者訝是彭與聃仰見柏槐四尊
宿靜中妙接松風談夜淡白月竝照耀曉光瑞露同滋含強生
分別較年歲人則有此樹豈堪慈仁寺閱四百載看盡世事窮
嬉酣幽奇古異不動色柏肅槐茂松髯毳張安畫松遺柏槐漏
略自詒豪楮慙祁窈作詩要補寫饒饒未必柏槐甘山猿游思
天東南如鷹失韉馬脫驂千林萬嶂際天起欲究形貌空懷貪
安身政不事多許三樹兩石中一庵

詩船少宰因相國詩語補作慈仁寺古柏槐圖竝有題

句屬次韻

寫松餘墨柏兼槐生面重教特地開蔭接開亭原不隔根蟠太
始本同來明知勁質難求偶代結高鄰亦費才畫壁倍增禪院
古凡禽不敢啄莓落

再題詩船所畫古樹後仍用壽陽相公韻

春明車馬馳趁趨冷吟有此幽人三幔欲亭長謝鈞軸閉門閱
史紛朱藍法華山人乃大隱日飲不肖師瞿聃東洲緩變至無
用游蹤萬里粗能談評詩論畫強增會猥荷二老相苞舍玳瓊
投報固所幸雲龍追逐夫何堪烏乎翰墨本遊戲敢以吟嘯窮
清酣促膝偶對酒面白憂時拈盡彩毛甍坐看艱虞難手挽無
論出處皆心慙生金生粟竟無術且盼年穀回和甘慈仁僻在
城西南避賢道暑時停驂前朝老樹入圖障古意所託詩心貪

餘興還能貌竹石來晨去叩松筠庵

題王笑山同年岳陽晚眺圖

郡國軍興方未已嶺南忽

命持衡使人才士氣宜振興奮武尤資文教揆歸路迂迴過洞庭嶺南前使未曾經奇緣信有詩人福驚起中洲帝子靈

題王笑山棣鄂迎輅圖

書生寵遇重持衡書錦堂開古所榮不料黔山旋節後使星又向海南明

鬚鬢相看好季昆旌麾重拂舊柴門兒孫記取青鐙味倒盡田家老瓦盆

疊韻荅王少鶴兼柬朱伯韓

王郎詩力猛愈進日對荷花動高韻朱老近來吟事希苦雨悶

門看礎潤語默同驚鳥兔轉時光乍過蒲榴閨獨秀山鍾五嶺
奇邊徼生才天不吝無端惡箭感機槍遂使沿江紛戰陣此輩
能無應劫生雄才枉折匡時偶時屢損兩君春明久畱滯夙蒙
投分昭忠信論詩許我社中人追暑頻傾花下醞我家濂谿月
巖裏七載土思凋客鬢行省雖殊楚粵曷歸心同向湘灘印幾
時因壘批擣空一水通流收拾迅我便歸騎陌上牛公等快馳
天路駿望眼穿餘閱年歲夜膠常驚眠不瞬捷書儻自桂林來
幸急馳佇示芳訊

疊韻荅黃濟川

詩心單微貴孤進古人和詩無次韻偶然關捷屢屢復未免催
花少滋潤緩公自吟還自和碎詞收盡歸奇聞朱生突起挑吾
師黃子繼之攻我吝弩末何堪兩路敵降旗願作交綏陣佳晴

喜雨快雪亭先公於茲宴耆儻題扁俄驚三十春種花誰續廿

番信

佳晴喜雨快雪之亭先文安公所題也尹京六年常與君宴客於此滿園花木皆余兄弟所植今荒落過半矣

兩世通家舊時過尊庭對傾醞後生早襲書傳香爲余勤慰霜

雪鬢才思夙擅文通筆骨相不特元暉印蘭綺清芬未足多蓬

山高步期能迅媿我論交在紀羣望子傳經同政駿淨業湖邊

舊酒樓闊別多年如鷹瞬頗思薄醉蒲荷閒試向漁翁先問訊

林穎叔招同宗滌樓朱伯韓葉潤臣孔繡山王少鶴劉

炯甫拜黃文節公生日以日問月學旅人念鄉分韻得

旅字

六月十日

坡翁與涪翁生日別寒暑涪詩令人滄坡詩令人煦從來造化
窮正賴文章補今年炎熱甚不復分子午遺容獲瞻拜正氣滿
庭宇復展冰雪文增我神骨古滌惟我涪翁孝友植根矩大節

是不俗名論，砥懦腐，憂患真飽，經志事彌堅，樹縱橫翰墨場，歸
作西江主，最愛說茗香，還工賦筍苦艸書，到神速小詞，饒嬌嫵
餘事爛珠璣，詩心獨機杼，居然黃竝蘇，遠匹李與杜，坡公近太
白，公乎肖臣甫，自從我公去，誰復堪指儂，六義竟寥闕，千年空
仰俛，林子閩中傑，傑直天尺五，榕壇學緒綿，左海文瀾輔，何處
得公像，陶廬舊摹取，陶廬詩宗陶，嚮往存圖譜，王孟韋柳餘，宋
士不得伍，陶廬有詩龍，嚮往陶淵明，正坐王孟，韋柳左右，情詩愈主人，在下侍。乃於雙井翁，別奉
辦香炷，雖云有章列，未免分門戶，我昔使蜀州，遺跡并賢聚，兩
處流杯池，和詩照戎敘，敘，敘州萬縣流杯池，皆有山，於緣蓋不薄，谷詩記余亦和詩刻石。於緣蓋不薄，
攀仰公宜許，清風颯然至，炎氣渺何所，介雅來八人，分韻拈兩
語，公乎信有靈，吾其老羈旅。

敬題王文成公撫綏思田緊急用人疏殘稿墨迹爲翁

蕙舫工部作

我昔使黔州誦公月潭詞荒煙露點畫古洁上鬚眉我昔游廬
山讀公紀功碑石壁金鐵立字勢日星垂茶寮及泃頭最後平
田思公皆自勒銘永憇蠻與夷惜哉落遐筭瓊蠟無由施疏州
卅九行字僅六百奇精心見緯繡鉅筆何紛披布政改憲職仗
彼義與慈獠猺異中土非可禮法羈平生百戰功用意惟撫綏
先後馭夷策鍵要悉具斯想當州奏時風雨相追隨坐收諸夷
心上蒼天子咨功成大星隕萬古悲騎箕公性嗜八法蓋自童
非時本末止一貫道藝非兩歧才德漸茂越儒雅資便宜章疏
九闕進書檄四方馳精神所灌辟使轉愈雄奇如何羣弟子講
學惟毛皮謂是乃緒餘不肖勤裝池甘使寶墨墜都作元珠遺
嗟此最後筆片羽與半鬚天心動愛惜神鬼爭護持無多嘉靖

墨長鎖稽山陞有明三百年書律幾人窺前惟方正與王後有

黃

石楊

山倪

皆本冰霜

性發爲猊虎姿用心到格律正氣鋪

淋漓陋哉文董輩顧影較妍媸徒然飾聲悅幾曾應矩規姚江

翁氏學於公實分支誦芬到蕙舫守器重鼎彝炎天得大雨抱

冊乞我詩烏乎希世珍永爲翁氏私我性喜作書古法窺藩籬

到紙卽心畫非可矯厲爲願觀公書者自去求良知

山人

詩

柬至謂名酒如美人能來共賞乎值益荷盛開

主客皆茗芋矣口占奉謝

倦餘忽聽隔籬呼握手炎歊一笑通酒面勻時真燕婉荷花開

處卽江湖玲瓏小屋橫漁艇兀傲蒼苔兩釣徒今夜寢魂煙雨

裏便隨鷗鷺入菰蒲

爲劉佩泉同年畫蘭扇

閱盡炎歊氣候移蟬聲漸急雨聲遲園林大有新秋意空谷幽人尙未知

王少鶴白蘭巖招集慈仁寺拜歐陽文忠公生日分韻

得山字成十絕句

六月廿四日

早歲雍容館閣班祕書四部許編刪直詞痛折高司諫一權彝陵去看山

善經兩字御題癸因革書成典更嫻萋斐無端先乞外一編漢議重如山

史筆矜嚴接馬班文辭揖讓白韓閒題銘珍重南唐硯懷抱居

然庾子山

公題南唐硯背文以先世服官李氏情詞感惋拓本在余家

新唐紀志筆編爛五代私書在燭姦袞鉞吾嫌有偏重表忠一

記讓肩山

五代史議論多刻吳越世家不錄一善是公偏處

吉金樂石萃斑斑，祕篆奇文盡破慳。此事足公千萬壽，如金如石比南山。

野鳥谿雲共往還，醉翁一操落人間。如何陵谷多遷變，今日環滁竟少山。

四十稱翁髮未斑，它時位業炳人寰。一年便了歸田福，大隱從來忌買山。

遺蛻無須吉水還，好埋骨處卽鄉關。寫碑三十年前事，拜墓何

時到邾山。道光丁亥楊南梁中丞修邾縣歐陽公祠，屬余書碑記中，頗辨舊傳墓在新鄭之誤。

裘公持節過吳關，畫像攜歸青瑣班。難得遭逢千載後，

天題還與照江山。乾隆壬申，裴文達典試江南，攜公畫像還京，求刊華題詩於上，仍付還滁州。近年軍興，

此軸流轉到都，爲林穎叔所得。

樞直歐齋照水灣，呼朋介雅借禪關。眾賓起舞鳴風竹，不覺斜

陽過屋山

小軍機直處有公僕拓本故編題款齊少鶴蘭巖皆直軍機處

爲子雋書蘭扇

酒氣指閒出超遙不可回幽花淨者生亂雨春催開

嚴仙舫屬書重修辰沅會館記卽事有作

前在濟南廳有客投刺曰滿朝薦余衣冠出迎而客已去既入都仙舫屬書重修辰沅館記知創此館者前明太僕卿滿公朝薦也不勝悚然因憶先丈樂園先生重修會館改建大門時先公適至畱飲盡歡若前日事也

尊公高詣在榆枌哲嗣承先切誦芬隔代名卿先入廳署年老友許論文貞珉共託流傳久華構重瞻樸斲勤此後濡毫彌敬
順豈宜輕策管城勳